

故也

命禮部下李天經魏文奎覈木星逆行順行

壬辰故兵部尚書趙紱殉寇請卹下所司

諭祭故右諭德倪嘉言

癸巳河南流盜掃地王等趨東南自霍山英山分掠潛山太

湖宿松

甲午予故南太僕卿李右諫祭葬

監視宣府太監王坤報精兵三萬除九路城堡分戍一萬三

千七百人鎮城共一萬六千三百餘人馬八千九百餘匹

乙未遼東總兵祖寬抵靈寶知縣滕之倫言盜三百騎突城

下見官兵至逃去距城六十餘里朱陽關連營澗口則混世

王萬川口則張獻忠水頭則整齊王各眾數萬會戰敗之斬

百二十一級


祖大弼為征西將軍都督同知總兵官鎮守寧夏侯良柱為

都督總兵官鎮守四川

總理戶工二部司禮太監張彝憲改司禮監提督

丙申上連御經筵雪朝不輟諭講官尚書韓日績姜逢元

侍郎陳子壯少詹事文震孟右諭德姜曰廣倪元璐脩撰劉



若宰毋忌諱震孟講春秋 上親批仲子歸瑁講章云正見
當時朝政有關所以當講以此類推

許嘉定伯周全暫回籍并允肩輿
都督僉事袁祐進署都督同知仍食僉書俸

丁酉命總兵鄧玘簡銳二千五百人屯于臨洺相杌剽寇餘
兵令還薊鎮其延綏寧夏甘肅固原援兵屬陳奇瑜調遣洪
承疇標兵夾擊其陝西山西河南鄖陽四川各巡撫俱分布
要害扼截


已亥特旌華亭光祿寺署正顧懿德初懿德父置義田四萬
八百餘畝助役懿德又置青浦義田萬畝

宣府總兵官張全昌大同總兵官曹文詔山西總兵官陸自
強俱失事免

庚子鄭三俊為吏部尚書范景文為右御都史周之綱為兵
部右侍郎俱南京陳以聞朱大啟為刑部左右侍郎
工部尚書周士樸以公主墳價題覆蒙混因削籍
予故 陳薦祭葬

辛丑御史羅元賓請考選館員并及中書舍人不許

壬寅逮河南題學僉事胡解以前萊陽王訴為諸生所毆也



癸卯吏部尚書謝陞上言五事杜請謁禁書牘慎始進嚴操
守按吏弊 上是之

巡按江南御史祁彪佳奏長洲故右都御史朱紉故戶科給
事中陸粲無錫故南工部右侍郎葉茂才皆真忠節乞賜謚
吳江故嘉靖庚子貢士張基崑山故萬歷辛卯貢士歸子慕
吳縣故萬歷壬子貢士朱陞宣皆真孝廉乞贈官章下所司
甲辰巡撫河南玄默報賊數千人自商州雒南突犯北來陽
鎮去之
故都督馬世龍贈太子太傅予祭葬

乙巳賊陷陳州圍靈寶官兵奮擊之賊奔西南未陽諸山
丙午信陽賊南自應山德安以犯宋家河掠京山
文選司 戴澳降山東布政司炤磨

巡按廣西御史戴宸極報本月二十四日論囚有旨此日禁
刑敢不遵守後并飭各撫按

右春坊右諭德許士柔言臣備員史局觀 皇考改錄世系
獨略謹按原錄萬歷乙巳十一月十四日 皇考第一子生
命廟諱 孝和皇后出此 熹廟篤生之自當書也丙午十
二月二十八日 皇考第二子命其名 孝和皇后出追封




簡懷王已酉七月十五日 皇考第三子生某名母選侍王
氏出庚戌十一月十六日 皇考第四子生某名母選侍
李氏出此諸王遮生之自所當書也迨我 皇上龍興之瑞
孝純懷日之祥在萬歷庚戌則聖母氏族封號錄封中當具
載乃閱改錄則 皇上娠教之年聖誕之日不書也命名之
典潛邸之號不書也 聖母出何氏族受何封號不書也且
徧及諸王之生與所生之日花萼相輝之美鳴鳩並飼之仁
不書也所書者止乙巳 皇考第一子而已原錄之詳慎如
此改錄之慢忽如彼將何以傳信于天下萬世也 上是之

已酉王朴為征 將軍總兵官鎮守大同
賊自京山不攻間道趨 顯陵明日遁入山中時大寇聚秦
中李自成在乾州招之不聽馬守應在武功而河南賊出永
寧陷靈寶

甘肅總兵官柳 繳崇禎燒六年燒荒勅諭于七年八月
上詰責之

儒將孟應熊張大謨姚之夔各成邊
進沈世魁都督僉事

故巡撫四川徐可求贈右都御史廕本衛正千戶一輩



辛亥土盜引流賊陷盧氏官兵大敗

壬子劉遵憲為工部尚書錢春改南戶部尚書
逮巡撫陝西練國事

李喬為右副都御史巡撫陝西潘曾紘為右副都御史巡撫
南贛汀漳


摠兵左光先擊李自成于高陵富平間斬四百四十餘級即
還富平自成陣失其弟佻求撫于監軍道劉三顧自成屯乾
州安家庄真寧知縣王家永遽信之出城招諭被執失印三
顧逆其詐早避堡上賊有奔涇原者扼于洪承疇東奔華州

渭南者扼于趙光遠遂折入南山時官兵三戰共斬一千二
十餘級于渭河南北而華陽南原之賊夜隄山中出朱陽
貢士朱陞宣卒字 江南吳縣人萬歷壬子貢士四上春
官戍長念親老不赴辛未服滿再赴學行醇篤年十六學
者私謚曰孝介先生御史祁彪佳奏薦明年贈翰林院待詔
十一月癸丑朔陳必謙為南光祿卿

賊自城固趨洋縣

丁巳日晷星晷二器成

進成國公朱純臣上柱國郊祀攝事也



戊午蔡奕琛為大理卿

詹事姜曰廣署翰林院事

總督陳奇瑜請各巡撫撥兵分地責成從之時撫局大潰賊氛日熾故有是請欲分委其過

已未戶科給事中許世蓋奏言外官入覲考選之期又以錢糧完欠為去留然不分完欠之由而均課以功令又無以服勞吏之心如甫經集卷而隨即解到功過自不相掩宜撫按題復如道解赴部旦夕可至宜令回任又或州縣輸之府司庫收可憑而司府那借補別項若仍作未完是下吏代上官

受罰也又如州縣輸之司府候府解入京若仍作未完是急公因役受累也乞勅該部下撫按備查果州縣完司底借則罪不在州縣倘州縣未解借詞支吾則據寔題參從之
庚申賊見左光先兵不出遂東走光化始追之失利
副總兵曹變蛟往戰鄆縣富平時提刀身先士卒洪承疇請加總兵銜

壬戌賊自洋縣趨石泉又河南賊陷山縣前焚霍山縣


癸亥盡免山東五年上逋租

甲子命順天尹祈雪

國權

崇禎七年

七十一



巡撫河南陳必謙率叅將李雲程等自洛陽趨偃師監軍道
某同祖寬趨嵩汝皆賊皆汴之路也時李自成奔偃師鞏縣
初自潼關至張獻忠等奔嵩汝為豫楚合寇賊夜偵左良玉
在偃師也偽向開化漸西移犯河南


乙丑陳贊化為右通政
高邑知縣方隆以漁利殃民戍邊

祖寬擊賊汝州之葛莊楊家樓合劉肇基羅岱共斬一千四
十九級俘八十四人賊遁是日伊賊攻嵩縣我炮却之
丙寅殺胡堡守備劉宗傳報捕漢部夷百餘人叩關乞市太

監劉以聞
丁卯盧杞忠為鎮朔將軍總兵官鎮守宣府尤弘勳為總兵
官鎮守宣府

萬全左衛指揮使常如松贈叅將詹襲都指揮僉事一革後
仍指揮使杜詩秦之英並贈游擊將軍世秩指揮同知
已巳江南吳江人虞燧言五事嚴鄉約復水利禁遏糴除造
謗恤民役 上是之

兵部武選主事蔣燦乞減原任上蔡縣加派下戶部
賊攻湖北漢陽縣



左良玉還救河南流賊已出龍門并歸東路

庚午禮部請故 吳賜諭祭 上以贈卿足酬其勞不許

總督漕運楊一鵬議濬加河從之

禮部奏十月朔故周府柘城王肅濠妃李氏奏肅濠萬歷三十一年受封元妃邵氏繼妃李氏于萬歷三十九年選妾金氏生子恭姝恭頰等又娶陳氏生恭 崇禎五年五月肅濠薨以恭姝恭頰氏寓毒食中弑王預謀則 賈進忠 蜀

也夫王妃所列弑父虐母未可懸斷恭姝當襲封而甘禽行梟食之惡李氏自稱夫寵二十年將母怨其母而及其子與


乞下河南撫按遣訊仍推勘長史當日告哀及諸宗保結其情必露矣

辛未鍾炆為順天府尹

賊犯門陽縣

壬申宣大總督張宗衡山西巡撫戴君恩宣府巡撫焦源清大同巡撫胡沾恩各遣戍薊遠總督傅宗龍劄籍追金幣癸酉諭部院曰近來士鮮實行人多飾情在獎薦乞恩尤甚以目擊耳聞之事輒欲欺人以鑿空描影之言敢予奏上人


才自古稱難何揚詡浮詞編盛宇內迄今多故有何幹濟寔



效全疎諛誕成風亟宜禁止今後部院推舉撫按奏薦及其子孫請乞該部題覆贈卹等疏務核實從公不得濫溷


日講官右春坊右庶子倪元璐上制實制虛各八策其制實八策曰最急莫如離下交昔漢先零與諸羌解仇交質趙充國以為至秋必變今奴犇勢并虎翼飛食涇鎬之事慮在來春宜勅樞臣秘通邊吏乘茲方合伐其本謀凡古離交法惟用間陳平之離項范燭武之離晉秦魏武之離韓遂馬超慕容廆之離宇文高段並能挽膠漆為水火俾疆境危而復安今獨何為橋足拙胸坐承禍患一也其次曰繕旁邑奴用兵

無他長而微知聲擊潛虛之法向以吾備關即不趨關而趨口今知吾備口又不趨口而趨雲上度其再來必不趨雲上而趨薊又必不逼京城而抄旁城其抄旁城必不先乘堅而乘瑕今岩郡雄州或亦猶知守計惟近畿玉田三河豐潤平谷等邑土墉低頽可超而越有如入因此為糧即使游奕逍遙我亦坐困宜及時增庫繕薄大脩守具庶可以堅壁清野奪其久持二也其次曰優守兵頃者宣大之役不禦不追罪由將吏嬰城力守勞在師徒今罰行賞稽臣慮沙中從此偶語矣臣查守兵月廩不及戰糧五倍今京士完師而返賞




不踰時援卒驕蹇不前猶然厚奉相提而論誠似非平首唐
邠寧兵衆以神策賞殊怨憤變生可為殷鑒謹條二議或量
給賞賚勵其守氣或倍增糧額責以成功猝有邊烽遂可不
煩征調三也其次曰靖降夷夫收夷非計而既云不拒則江
統徙戎之論又非可拘于今何則以今來歸皆散丁零衆非
如魏晉五部氏秦鮮卑之比近者詳述即由我人挑誘惟慮
衅端已見終善為難調馭之方存乎權智蓋不在主將甘苦
與共之情而在行部蕃漢不分之跡使得各無猜貳或聽互
為婚媾視瘿猶肉瘿亦何害否則突厥九成之變動可憂虞

四也其次曰益寇餉秦晉流寇蔓延日滋苟圖必剿必可
得惟以餉匱每來疾呼臣惟竭天下以奉遠左不以為厲今
秦晉自急還使自饋又曰非宜乎請聽兩省以舊賦之半新
賦之全留輸行間以茲小移必有大省五也其次曰儲邊才
夫邊才難辨比于隔垣而觀正使有之何容易信臣惟上智
自由天授餘才皆本習成練習之功自非一日諸凡近邊縣
令青部設法選掄科貢罔拘惟求英茂因著為令減俸超遷
三年見能即陞本道而自僉臬以至藩長悉亦覈其成績減
俸加銜本方節鉞之才即取諸此節鉞無缺則加三品卿銜




照例三年一任其子如此則以戎馬軍旅為家當塞責者稀而有不次世及之恩波願從亦眾六也其次曰奠輦轂昔漢徙富民以實京師豈無深意蓋無事則眾貧樂其通潤有警則群心倚其重遷今都城蕭闕不忍見聞車戶動至傾家流商嗷然載路重之市井亡賴以告密為佃漁每一波牽輒連數十幸而得雪家已蕩然凡昔所號巨賈殷家悉無兼長之食五方游眾無所依歸剽劫公行職此之故誠恐一旦告急人無固心掉臂開門勢所必有宜並議培養無吝膏澤通草豈官買之例以省他徭推訪察停禁之恩而除濫哉酌甦商

之策塞告密之門沈可小康馴臻大定七也其次曰嚴教育國家之所以教者二教官以秘館教士以辟雍今以治才為實際儲之宏文一入金門遂稱間局又容與焉是化有用為無用也欲使無以所能莫如教習教習之法宜大更絃古事經史今事典故遠事祖憲近事時宜凡所誦著考索悉取諸此又或設為處分時相問難以深徹其意窮致其才禁宴會簡游謁日省月試灼然有程館師察至報成閣臣論定以請平章之具則亦優矣至于援納既早貢舉將興兩雍司成略倣館條屬施鐘鐸何患功不能出德行不興八也又制




虛八策曰正根本治之根本惟在絲綸今六曹庶務未咨政
府即成謀不敢上聞豈曰無權便殿引對凡有敷陳雖微言
悉蒙俯採何云不信故救時之可為莫如今日誠引辜懷耻
秉忠絕欺體 陛下之嚴察以剔蠹祛邪奉 陛下之公虛
以育才扶正而以大猷付之悠忽勿以瑣務示其周詳恩怨
不橫其胸公惡必循人性毋徒傷元氣而情面仍存毋浮慕
精明而叢挫實甚凡侃言必有深慮毋一筆抹殺以遏群謀
允至理必有定歸毋雙崇游移以嘗 上意毋以意見仇獨
立之士毋以聲顏拒來告之人如此則才識自生勛猷自著

一也其次曰伸公議吏部左侍郎張捷無端保奸致激衆論
在今日去留非徒邪正之關定亦安危攸繫何者凡彼死灰
竭計惟幸家國多凶所以向者盛傳勾 之謀已而即有邊
才之薦今見首功無恙即云大勢已移竿牘金錢糜興蟻至
從茲擾 必多事端不觀袁弘勳以訟楊賈禱勘潘國楨以
薦劉詔承刑何獨于今衆惡必察且逆案之定本以弭爭故
如鄧英持正尚云違旨鑄官豈以張捷背公終聽醜顏就列
乎息勢遏萌是在乾斷二也其次曰宣義問夫 祖考者臣
庶所欲崇戴以明忠豐芑之懷雖迂有道內臣者外廷所當



摘剔以明異排闥之論雖慙有名如近日詞臣許士柔力闡
先徵倘終度閣惟恐世傳其說而陛下永言垂則之義未
彰昨歲憲臣王志道執事內遣如久沉淪惟恐下享其名而
陛下權宜姑試之心猶晦斯閔譽望冀留睿思三也其次曰
一條教夫致一則不亂涉兩則生奸如卓異本求循茂而屬
以考成之格于是撫按不能治貪殘例轉本處庸冗而美以
優陞之名于是公論不得問摧折會推既各群議而所禁乃
在把持于是盈庭之語默無主館員既重官評而敷試仍以
文字于是閣部之取舍難憑凡期政在必行要使人無可託


盍求畫一以定歸趨四也其次曰慮久遠夫弊必原其所自
始法當慮其所終故循事始之觀則兵詳必由于將劣民亂
必由于紳豪武絀必由于文尊宗辱必由于官玩為要終
之論則劣將自易制而詳兵難制紳豪易制而亂民難制文
官易制而武臣難制有司易制而宗潢難制抑揚操縱宜有
權橫衡若矯偏過平懼貽後累五也其次曰昭激勸凡卹死
之典皆所以勸生自劉之論以廢常片語而佐樞王來聘以
武第踰年而秉蠹遭被非常安能不死要在二臣之死亦有
難能之論叱馭嬰凶來聘先登過害法應殊卹顧反夢天



下皆謂陛下驟貴無功之人而薄酬死事之節負氣之傑因之沮心請自今茲懋弘斯義怒蛙駭骨俱可致功六也其次曰勵名節孔子疾沒世無稱詩曰庶几夙夜以永終譽古之聖人期人以名如此今或見人表異輒訛好名臣懼惟懼世不好名所以每多敗名之事又况人惟事著所以名隨苟其事之無可名豈浮好之而可得乎至于在位無才皆曰骨柔節墮昔人求將略于犯顏敢諫此非虛言原夫畏敵之情無過畏死斧鉞之與鋒鏑其為不畏豈有殊哉氣至則胆安胆安則智出摩厲之術必握其原七也其次曰明駕馭撫督

大吏告之所稱連帥全資威重彈壓諸州若其不任或至債轅更置何難褫逮亦易惟當受事臨戎之際小形過差此可鄭重責成勿事頻加呵攘誠恐氣失沮喪覩臨將吏非招五日京兆之玩即懷鬼朴又來之疑勢必倉皇亂謀苟且救過八也疏上有旨奴收挿衆用間伐謀有何實着倪元璐還確奏宣大兵糧正在覈議秦晉留餉及撫降夷儲邊才已有屢旨監館教習事宜該部議覆餘置之制虛八策有旨奏內事情多係奉旨倪元璐不必繼陳

甲辰召監修實錄成國公朱純臣等及廷臣于會極門手諭



曰實錄傳信將來筆削最要虛公朕閱皇考前錄頗失實
蓋時政予奪意在激揚矯抑不得驟言得失即章疏敷陳亦
有風聞臆見難盡公確惟略存當時始末載所奉旨一聽後
評庶初意不晦今予意合者存其美不同者去其實或突載
一節或單標教語成心偏見滋惑傳疑其于實錄之義何目
今皇兄之錄未竣應加申諭卿等即以此意擬諭來行
揅漢部目把喇獨兒領部衆一千餘人牧于清水河求市大
同殺胡堡


諭都察院巡按御史回院嚴覈

吏部推吳炳浙江杭州知府上謂炳未赴院輒推責文選
司回奏

戊寅上御午門初兵部尚書張鳳翼擬宣大三鎮功罪聽
處左右侍郎汪單俱罷因通政司引奏不先關白

兵部遂無人承旨上改命司官于是職方郎中馮起綸出
應命御史糾鳳翼承旨不至責回奏蓋通政司引奏事件得
旨某部某衙門知道正官出班承旨


禮部右侍郎陳子壯署部事子壯嘗謁大學士溫體仁體仁



極云主上神聖臣下不宜異同子壯曰世宗皇帝與議禮諸臣同心并志謂千載一遇然議祔廟議張延齡獄猶執持不已皇上威嚴有類世宗皇帝公恩過孰與張桂但以將順而廢匡救恐則善則歸君之本意體仁意沮自後題請漸見吹索


壺関知縣樂應期有平徇功轉潘府審理吏部請復其原官改用上以王官與各官一體叙用會典開載甚明近來考轉永錮殊失初意其樂應期許改用西安鳳翔地三震如雷

倪元璐遵旨言用兵伐交之道在審彼已強我盛則勢格聲禁之耳先零羗道謀匈奴義渠安國召斬其渠三十餘人又縱兵擊其種人斬三千餘級羗雖小二交亦以攜阿魯台心冀部置女直吐蕃文皇帝片詞折之亦遂止息凡此二者臣度今日有所不能力不足則愈尊謀故臣以為無如用間也間者兩疑之術若以今日之勢言之惟得疑奴使不收掉不能疑掉使不歸奴何者掉力竭畏奴抱頭西奔又不能自制其衆使無東向顛覆日甚不歸奴何歸允伐敵謀者必明敵情其情在于畏死救亡而吾又無能為助此雖使蘇張復



生烏能離破之哉。然自臣所見，亦有可乘。臣見挿既若奴，而又失賞于我，失賞于我，而又不能取償于奴，其所得因奴為利者，無過附奴入犯耳。以挿附奴入犯，度奴必厚責其資糧，而薄遺以國獲。如此，挿雖歸奴，更益窮困，其不能一日弛心六十餘萬金錢明矣。始吾以其匈奴絕賞，屢要不許，此誠正論。若今日羈縻，又有難拘，請聽邊臣設計招徠，即有請求，無罵其使，惟厚要信誓，能絕奴，又為我堵截，予半賞，更斬獲獻功者，盡給如舊。以此餌挿，即以此疑奴，是即間也。其過挿泉度亦猶然。果爾，二憾在彼，如得密通，遠將勾誘挿泉，叛奴來

歸，成則坐換其群，即覺露，亦使相猜自賊。此燭鴈室鼠之術也。其又未盡者，豈臣所得慮乎？臣所慮者，以今邊人皆不知用間，今之所為間者，皆非間也。凡間之道，有如伎戲，變山化車，吞刀浴火，非有情實，要自難明。是故陳平惡草，慕容牛酒，察其所持，皆不可以欺三尺童子。而卒使項范垂其魚水，高段棄其牲書者，非徒其筭多謀，邃也。亦由其行間之人，與其事會，猝忽爍閃，移情飾態，使見者不覺觸之景心。今則不然，名為用間，甚于正告。如頃之役堂，正一介之使，持尺一之書，以招麻鮑。此豈可得麻鮑有銖黍之信，奴有銖黍之



疑乎哉。臣得邊臣竭其計數，傳以神明。又多寡飛趨，敢死游
設出沒之策，飛長耳目，徧廣腹心，間必可行，謀必可伐。故臣
以為允攻守募練備禦，調間之計，專責邊臣，無有掣制封疆
之事，則猶可為也。臣觀二年以來，邊臣之情較往已甚，往猶
負氣欲明骯髒，今則能畫中沮歸，命軍容無事，稟成為恭，寇
至推諉百出，陰幸藉力逃陽，罰以號于人曰：吾不自由，此臣
所甚歎。陛下神武嚴明，但屬責邊臣以固圉圖功，而信賞
必罰以持其後，欺玩自破，何苦以近習之人試之鋒鏑，躬冒
不韙，適予邊人以徑，又使藉口，迄用無成哉。始陛下曰行


之有緒，即撤今行之無緒，益宜撤。敢因明問推原及之。

南刑部右侍郎蔡思充改南工部右侍郎

己卯召提兵王朴倪寵于平臺

庚辰提督陳奇瑜落職聽勘，先是八月陝西京官李玄李遇
知馬鳴世等奏撫寇之誤，貽害封疆，戕陷生民，蓋指奇瑜也。
兵部尚書張鳳翼以鳳翼姻契，覆奏歸罪陝西巡撫練國事。
既逮之，終不能為奇瑜飾也。

辛巳諭宣大三鎮戰馬缺少，西寧道遠費浩，究非長策，責成
撫監按苑務，期種馬騰壯，課餉駒溢額，其苑馬寺卿留心牧



政者破格遴用

壬午進年文綬署都督同知鎮守臨清

盧象升襲賊于龍駒嶺大敗之渠魁僅以身免游擊童

千搃孟 死之

十二月癸未朔乾清宮筦事太監馬雲程提督京營

諭捕盜京師

監視宣府太監王坤報收合揀漢部衆邊外無處非建 寶

樹黨內窺

溫體仁乞罷不允

甲申司禮太監李承芳搃督東廠

洪承疇仍以搃督陝西三邊兼攝搃督河南山西陝西湖北

保定真定等處軍務糧餉

進楊正芳右都督


勅誥房光祿寺錄事王應遼上一統志書八百三十卷前上

皇明衍學大訓忤時降秩

乙酉左良玉兵三千至峽石擊確山賊萬餘大敗之追至蔡

家坡斬六十級是日賀人龍又于中庄追斬賊共八百三十


一級賊大至鄖西又賊自洋沔直至興平洵陽白河絡繹不



絕副提兵楊正芳率兵深入同鎮軍將張上達死之

倪元璐言遵旨回奏并錄呈原復家臣議稿曰今年夏秋之間吏禮二部奏旨會議館負考選事宜踰月未決一日偶遇禮科都給事中薛國觀問及國觀云斯舉甚盛而考法殊難蓋由文治不能兼收閣部不使同事臣偶據臆見國觀躍然為可久越數日忽舊家臣李長庚貽書曰聞考選一議甚善可得示其詳乎明日露封署曰議揭云考選一事其所以難者以上意所崇在治行而弘文之選原屬文章今欲歸之政府而內閣原不欲侵主爵之權若云責在司銓而館職豈

應不關綸扉之議且法既尊治則吏部所據寔殿最而二者遂是定評即考試可不設考必以文倘內閣所糊名高下其間者稍顛輿論將功令之謂何正使閣部同堂而咨必致彼此牽掣求文治忝半相準保無長短差池又以科道退處聲華疑削詞林太離翰墨名實已乖若此者所謂難也如愚之見請以吏部先以治行考定科道部司等官其于科道但擬懸銜部司照實銓次具題得旨則以所定科道人數送閣考選館員自部司而下不得忝預凡與試者悉為治行之尤在內閣即可一意徵文不必分心採望其高下名次以文而定




而授官編檢仍準官評如原係給事則授編脩原擬御史則授檢討如此則閣自歸閣部自歸部治行自治行文章自文章可以按圖象察可以糊名暗模拔科臣之尤為館員既可尊文章于政事之上定編簡之次以部議仍是升器識于文藝之先至于教習之師理自難齊但須大舉更張一新沿襲套如讀經濟典故之書習平章處分之事諷誦易以講說勵其啟沃之忠詩賦代以制誥淬其絲綸之業至于宴會往來通行嚴禁日省月試三年有成救時之科盡于此矣臣七月終所復冢臣之揭如此未嘗品題人物未嘗竊定員數又未

嘗區別省分是非有把持劫制之力明矣臣入京五年皆當張捷署銓津要中經考選考察不止一番臣官于其前譽毀何人籌論何事臣之硜硜亦已可見矣陛下即以多事斥臣豈有悔哉上善之

丙戌起永史安右都御史朱大典仍兵部右侍郎丁魁楚為戶部左侍郎兼右僉都御史提督薊遼保定

丁亥戶科給事中顧國寶論兵部尚書張鳳翼提督陳奇瑜招安債事失陷甚眾陝西京官李玄等復糾奇瑜命逮之監視宣府太監王坤報棟漢部眾投建者千人餘二千人



求駐張家口貨買茶米下兵部。

取癸酉南場硃墨時兵部主事賀王盛論溫體仁因及癸酉南場主考右庶子丁進賄中黃美中鄭雅孫李愔陳貞元等七人關節有據故有此命黃美中有卷奢閭嫖刀綠樹青山等語上詰部科是何文義禮部尚書李康先索之甚苦後言奢閭嫖刀見荀子綠樹青山則朱熹詩見性理再磨勘李愔陳貞元除名賊犯鄖西再宿官兵至乃退戊子辰刻日旁有三暈久之乃散

癸丑許都督王威告老

癸巳故總兵張全昌曹文詔陸自強尤世威吳襄下獄戍邊甲午李懋芳為右僉都御史巡撫山東張其平為右僉都御史巡撫保定提督紫荆等關宋鳴梧為尚寶司卿提督京營撫寧侯朱純臣罷


大同總兵官王朴請卹故左都督李成梁戚繼光及故新建伯王守仁有旨戚司宗罪案久定王業弘爭襲其李成梁事下部議

以南京私鑄盛行令操江都御史責各城御史禁之

國權

崇禎七年


全七



乙未御史錢 劾總兵左良玉鄧玘淫縱下巡按詳覈
丙申總督宣大楊嗣昌奏揷漢部落實有數萬小王子至歸
化城侯正月來講賞先求開市臣意割之不能拒之資敵應
就其計借市馬為操縱暫示羈縻似是一策下部議
遼東杏山城火

巡按淮揚御史劉興秀言山陽海門沐陽桃源睢寧盩城興
化各縣災極乞蠲折不許
丁酉試考選館員有旨治行文學既經公同酌核魯元寵徐
開禧林增志胡守謙劉正宗為編修馬之驊梁兆陽郭之祥

賴瑛張若王用予李景濂薛所蘊為檢討仍送館教習胡江
宋學顯商用初葉高標傅宗秀李汝燦徐耀申嘉言吳守英
汪惟效何楷劉舍輝楊鎮原房之騏曹景參為給事中江學
顯周初戶科高標鍾秀汝燦耀禮科嘉言守英惟效兵科楷
舍輝鎮原之騏景參刑科劉昌林銘昂王肇坤韓源荆祚永
鄧鋤劉呈瑞馮晉卿張肯堂辜朝薦楊四知徐一范王之晉
張瑄王正志郝晉葉初春魏士章鄭爾說應喜臣田起鳳歐
起鳴陳學伊為試用御史
夜月食



戊戌宣府撫夷通判顧咸淳盜餉戍邊

賊自徽階突入略陽沔縣毀秦王祖塋游擊唐通兵失利黃

梅縣諸生瞿罕上孝經註解

以南場鄭雅孫等七卷論策多用禪語考官批更妄誕責丁

進等回奏

己亥停止事例從禮部言許明歲暫行拔貢生以不得以三

年為例

賊犯棗陽

庚子唐王聿鍵奏臣藩廢禮八事俱引會典為言其三曰會

典王府凡有辭見官負每日早晚俱引見今臣封內如鄧州

知州孫澤盛桐栢知縣羅于柱內鄉知縣艾毓初鎮平知縣

曹志寧等入城謁道府徑不朝見云、上怒有旨地方官

悖制藐法殊為可惡下禮部將文武大小官朝見親郡王儀


注及與將軍中尉儀賓相見禮并宗室構訟家人具告等事

詳制酌定以便頒示不免狗延孫澤盛等並落官逮治

辛丑裁烏撒游擊浙軍

賊掠澠池縣

壬寅南京守備太監胡承詔張應朝撤回應朝署司禮監命



內官太監梁洪泰內官太監張應乾協同守備
總督兩廣熊文燦奏道將信賊自陷時文燦令守道洪雲蒸
巡道康承祖同叅將夏之木張一傑往謝道山招劉香被執
有旨賊渠受撫自當聽其輸誠效命豈有道將登舟往撫之
理明係弛備墮奸尚稱兩道家商全不及知督臣節制何事
所奏蒙混着巡按御史確覈不許飾報
鳳陽縣悍賊殺皇陵衛指揮侯定國于西關時噴有訛言
癸卯叅將馮時早敗賊于隨州
甲辰孫顯祖為總兵官鎮守臨洮左光先為署都督僉事總


兵官鎮守陝西

乙巳寶授左良玉都督僉事湯九川署都督僉事各廕外衛
試百戶

丙午山永哨兵出塞斬二十六級


丁未左良玉剿宜永山賊于柳泉斬其哨騎遂折而南自嵩
伊犯海州追斬百三十六級


河南都督左良玉軍新 澠池間陳永福軍南陽鄧玘為援
而山西平陽汾州防河之戍多囂迹自靈邱廣昌徑走五臺
陝西鄖陽俱警云數百艘東下常德而河南常德為劇兵部




國家圖書館, NATIONAL CENTRAL LIBRARY, TAIWAN, R.O.C.

議徵邊兵二萬益新餉二十五萬合會湖北山西二萬五千
人討寇關中






國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.




NATIONAL

國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393437 v.54

國家圖書館, NATIONAL CENTRAL LIBRARY, TAIWAN, R.O.C.





國權

崇禎八年乙亥

正月壬子朔左良玉于海州南山逐賊斬一百七十八級

甲寅兵部主事賀王盛再劾温體仁奸狀票擬謫外

叛兵焚五臺流盜掠沔洋城固南鄭游擊唐通戰于沔縣斬

二百餘級副總兵左光先戰城固斬共一百四十五級

盜劫河南固始經歷李氏李任徐州衛嘗捕盜淮安同知徐

某署徐州事釋之李仍擒四十七人斬于潁州道故盜銜之

國權

崇禎八年



一

六平山東鄭總兵王盛金眉心坐

監官設遷孺木者



國家圖書館, NATIONAL CENTRAL LIBRARY, TAIWAN, R.O.C.



自固始至開順殺巡檢六十餘人
乙卯承天賊北自葉縣至郟城唐縣泌陽遂平上蔡汝寧
息縣及商水
丙辰命乙卯吏部京察
賊攻息縣東及光州光山
丁巳陝西流賊自盧氏鞏東屠汜水殺邑官御史禹好善繼
陷萊陽適知縣臺謁殺貢士張紹載馬德懋等走梅山
戊午山東掖縣貢士姜金胤以坐守萊城授試中書舍人
賊至固始又明日城陷


已未洪承疇以河南賊熾率標兵三千赴之而西安賊南至
藍屋過渭掠西安乾州武安扶風又河南逸賊復入興安漢
中陷寧羗自沔略陽轉入臨洮鞏昌

庚申詔萬全衛通租
進姜逢元太子少保禮部尚書李建泰黃景昉張維机邱瑜
為左右諭德
夜賊自固始薄霍邱明日内潰入殺縣丞張有俊教諭何可
大訓導何炳若

郟城土寇萬餘人又汾州縣臨彰德林縣各土寇如之焚掠

國權 崇禎八年

二



四聞兵部議調西兵二萬五千人北兵一萬八千人南兵二萬一千人更鉄騎二千以張外嘉及 總兵尤世威統之真定標兵四五千赴臨洺等處天津兵三千以徐來朝統之自臨清濟寧赴歸德陳州又徵白杆羅網填兵三千譚大孝統之由夔門赴鄖陽河南時南北濟師共七萬餉七十八萬六千金外留湖北新餉十三萬四川新餉二萬五千巡按江西御史梁雲構上言流寇去歲至蜀，多山峒而少村落不得不引而去之若豫楚則不然有萬家之鎮千家之村無尺垣以自護也有三里而一庄有百步而一畦外無列

柳以自樊也今到處皆為戰場宜倣邊方之製村鎮各一堡莊畦各一堡聽士民資築有事入堡萬堡棋列勢聯聲應將盜賊可自緝矣時吳姓薦全昌曹文詔從之釋伍自効出

太原

汝寧賊數千趨潁州時河南賊分三道趨六安趨鳳陽趨潁


上掠濮州

辛酉巡按四川御史劉宗祥上吏部左侍郎張捷囑託私札命捷回奏宗祥素貪知京察不免故先攻捷有當事者專欲用內等語意指温體仁也宗祥竟上憲尋陞江西巡撫

國權

崇禎八年

三



楊士聰曰以不易去之張捷而劉能去之不為無功但發人私書非正人君子之事况即與已之事乎以此迹察其人不足敬矣

陝西陽河戰沒功臣歐光裕岳宗恒各贈游擊將軍光裕仍世指揮同知宗恒世副千戶

賊陷霍邱殺邑官田光廷戴廷對貢士王毓貞

壬戌賊陷潁州知州尹夢鰲捕盜通判趙士寬俱闔室死之殺故官兵部尚書張鶴鳴雲南按察副使張鶴騰中書舍人田之頴知縣劉道遠光祿寺丞李生白訓道于加過官生張


大同貢士郭三傑白精表又指揮同知李從師指揮僉事王廷俊千戶孫升田三震百戶羅元慶田得民王之麒等諸生遇害百餘人鶴鳴萬歷壬辰進士鶴鳴年八十三裸曳北門倒懸之索貨鶴騰年八十二

蠲保定真定等府及景陵衛逋租

癸亥河南流賊犯內鄉商南鎮平浙川鄧州唐縣南召新野南陽

畿內賊犯邢臺內邱

禮部尚書李康先罷以摘發試卷蒙狗也



遼裁東團練提兵官

穎州賊分攻六安壽州

甲子脩南京文廟

丙寅賊寇張一川陷鳳陽以樹旗進香前騎後步賊大至而無城遂潰燬公私廬舍二萬二千六百間光燭百里殺知府顏容暄推官萬文英等府官六人文英子代父死武官四十一士民死者數萬橫屍塞道剖孕婦嬰賊魁掃地王太平王餘半向之販鹽鬻帶者也焚皇陵樓殿為盡松三十萬株殺司香太監六十餘人高墻罪宗百餘人留守朱國樹巷戰斬

二十七人力竭死衛兵千五百人踴迎呼千歲恣掠三日

穎賊分犯廬州鳳陽其趨鳳陽者掠正陽鎮在壽州南六十里淮水自桐栢來直走其西舟賈所集也其趨廬州者焚

亳州郭外


洪承疇擊賊靈寶斬三百六十五級

丁卯命洪承疇移駐中道提調各兵

廕謝文舉錦衣衛百戶

戊辰別賊攻壽州三日去之渠賊列幟古元真龍皇帝

巳巳鳳陽賊連藝紅心池河二駟在紅心駟掠浙解十萬金



殺守卒大掠南京兵至賊奔西南定遠焚藕塘距全椒十八里曰石碑橋以筵尊卜于神祠不利劊神像而去村落為墟又大賊西返歸德睢州提兵駱舉駐師紅心駟去鳳陽六十里竟不進巡按御史吳振纓隱敗不以實聞云二十日賊已抵泗矣不言中都焚陷也

設遷曰國初嘗城中都尋墮之者誤也靈秀所鍾不有金湯其何以守正德時嘗震于流盜執知府劉祥而陵寢也恙今聞幽宮之骨不保諸臣忌諱無一以聞其後以權穴為解又因而秘之嗟乎蒙錮之習中外積不可解雖主上

察亦無如之何矣地脉微泄盤石失圖楊一鵬輩之肉豈足食乎


歸德賊臨河上漸西下寧陵

許朝鮮參貨留售半後不許攜至次年攜參貨若干索值不遂其欲命留其貨半于關外自是貢臣不至

庚午併靈邱廣昌二縣改靈昌州

官兵敗賊于孝感縣賊過羅山

哨卒出塞至五藍把喇素之地棟漢虎慙妻囊台戶同夷目結力麥宰生乞慶宰生台什宰生駐牧約三千餘人馬五



百餘台戶以前乞市不許求再款大同內中軍孫良弼以聞
有旨不得輕信致有疎虞壞鬼

辛未洪承疇至潼關

壬申命洪承疇既定即東馳剿寇

辛酉巡按真定御史吳履中劾溫體仁王應熊及監視內臣
等上切責之

甲戌鳳陽賊折回舍山陷巢縣殺知縣嚴彥芳已而攻舒城
知縣遂安章可試塞三門止開西門誘賊入之陷于坑賊奔
潰死千人因掠霍山廬江合肥潛山又懷遠臨淮是日圍六

合聚樺子百十環木焚之聽其哀號以為笑又裸婦女數千


署于城下少有媿阻即磔之攻三日而去吳蘇其體死

河南賊過尉氏

乙亥議湖北加派

丙子賊犯江南碭山官兵拒卻之

出帑金二十萬助剿餉儲開封為會兵適中地出太僕寺金
十萬輸西安又發本省餉十萬其湖北餉十九萬資鎮守等
兵四川留四萬金又蓋課二十萬貯淮揚防寇逸初兵部會
戶部調南北主客兵共七萬馬一萬五千匹每兵每日銀三



分米一升五合馬每日草一束銀二分豈三升銀二分計五
閱月約十一萬金各官廩共六千餘金請發帑金二十萬
吏科左給事中阮震亨言宗藩事例務祈一體申飭仰倣我
太祖重定祖訓錄頒賜諸王之法行之其說有三或畫一以
永其守或參酌以明其辨或密飭以著其防 上以祖訓定
郡王子孫有文武才能堪任用者宗人府具以其名聞朝廷
考驗換授官秩其轉陞如常選法
丁丑河南賊陷滎陽汜水漸南偃鳳泗先是搃兵鄧玘敗賊
于裕州之博望斬三百五十八級

安徽巢縣賊陷廬江

搃督兩廣楊文燦戴罪自効

戊官部院內計京官

賊自舒城縣抵廬江邑人具幣求免偽許之夜襲城陷之


南吏部尚書鄭三俊右都御史范景文主南計吏部考功司

郎中徐石麟佐之奏免七十八人

是日至二月癸未賊至華陰渭南臨潼藍田長安咸寧鄠縣

已卯黃梅賊陷漢陽

賊攻安徽無為州桐城距之七十里飢民洶、思逞又掠宿




松蓋潛山太湖宿松俱無城

洪承疇抵河南府時南陽及盧氏嵩縣等盜至承疇至又入
潼關渭南及商雒間承疇遣副總兵來亂昌以千二百
人往戍西安又令總兵秦翼明游來朝間道向山東徑趨江
南徐州捍江北逸寇

庚辰江西道御史王肇道言明年二月初四日乃皇太子
千秋節外官俱進箋稱賀宣京官宴然于私邸乎請是日出
御文華殿受朝賀至于出閣講學命禮部擇吉從事報可
叅將馮時可戰敗于黃安副總兵雷應乾指揮馬如龍死之

辛巳總兵陳永福戰新鄭左良玉戰密縣之東蘆村並大敗
之時河南賊自杞自許襄屯新鄭密縣山中東蘆村至大隗
村連營二十五里蓋密在層山中易出沒嗣後土寇蜂起無
歲不擾又賊犯新蔡沈邱商城
左庶子兼侍讀丁進除名
金聲為山東駟傳道僉事

二月壬午朔科道拾遺南兵刑部尚書呂維祺姚士慎詹事胡
尚英勒致任禮部尚書曾楚卿刑部左侍郎陳以聞右通政
楊建烈削籍



賊攻廬州又攻桐城不利渠帥張天琳東出統城呼降游擊

潘射中其腰夜走潛山縣

江南蕭縣碭山等賊攻永城

趣洪承疇入河南督剿

癸未左良玉于汝州擊賊斬一百十五級

賊陷潛山募縣官千金得之斫不死邑多山民習獵以藥弩

窩弓殺賊遂西向麻城

甲申陳光裕守備南京兼中軍都督府事

乙酉英山賊萬餘人陷羅田縣殺署印官梁志仁教諭吳鳳

來訓導盧大受典史平思仁

范邦雄為總兵官鎮守貴州兼督平清等衛

賊至安徽太湖縣城東大濠知縣金應元據之以守奸人導

賊渡河執知縣斫之未殊自經


命總兵曹文詔剿寇陳穎

丙戌賊陷太湖縣攻桐城掠舟望江

河南賊走夏邑歸德陷新蔡執知縣王信不屈殺之

吏部左侍郎張捷回奏引罪

丁亥御史王肇坤言近日驕兵之害乞許洪承疇便宜行事



允鎮將以下等官不遵節制逗留怯避泄軍机掠子女殺良
冒功縱罪出入者即軍前正法從之

洪承疇擊賊于河南睢州斬六百十三級


巡撫應天張國維移駐安慶

賊至宿松署縣通判 遁民迎賊仍殺掠

時湖北兵扼賊、仍走太湖而河南賊迫于諸路兵以南陽
則過應山隨州棗陽以汝寧則入麻城黃州而鳳穎之賊入
英山霍山蘄州黃賊潛山廣濟黃陂以及黃州皆擾鎮守茅
岡兵二千餘人施南女官冉氏兵五千餘人先後至俱分戍


大都重在護顯陵既中都被焚諸路官兵並馳赴而高縣盧
氏靈寶陝鄧浙川諸寇密邇潼關雒南者又折入秦中雒南
賊約六七萬人咸陽長安盩厔等縣並遭蹂躪有四大營屯
涇陽且北渡渭河圍興平及醴泉富平臨潼高陵咸陽涇陽
又平涼慶陽之賊東突三水淳化出耀州富平蒲城恣剽掠
其河南賊馬守應張獻忠等續過商州至于秦川商雒界秦
豫又南接鄆襄山谷亘數百里其山西寇則垣曲岳陽翼城
臨汾沁源等縣並野掠而土寇助之

戊子例轉翰林院 吳廷簡為山東濟寧道叅議戶科給



事中呂黃鐘朱文煥為山東江西右叅議御史劉士貞為廣
東叅政李宗著為湖廣副使梁炳趙振業為山西四川右叅
議吏部郎中何應魁為福建副使
命張孫加尤世威同自徐淮援鳳陽又楊御蕃以山東千五
百人往護皇陵劉澤清以千人防曹濮
溫體仁揭帖逮至滋陽知縣成德刊揭云二月間曾叅臣且
于通政司而其所指之人之事與臣無涉謹進原揭隨席蒙
待罪
己丑禮部奏請 皇太子出閣進儀注命攷累朝出閣年齡

并典制以聞
庚寅徐石麒為南尚寶司卿
命被寇州縣免崇禎七年六年逋租和滁含山全椒量蠲仍
折八年見征十之五六
辛卯故 劉應遇予祭塋
壬辰張其威率官兵救宿松賊伏發敗走連戰把總包文達
項鼎鏞朱士胤俱沒吳志葵力鬥殺四十餘人賊引去
太監張彞憲乞遣官催新舊二餉有旨第責成各省撫按
諭通政司毋留匿章奏即兄長令刪進



御史魏士章請城荊州沙市下部議

河南內鄉賊以盧氏官兵間道掠嵩伊陽守備周爾敬戰盧氏之灣川敗之

命浙江金華衢州紹興及徽州廣德南糧俱解本色毋折
癸巳 上宜御經筵免傳時巡按鳳陽御史吳振纓疏聞蘭州諸生練一魁云建文忠臣練子寧之裔乞釋軍籍禮部核其非是不許


甲午逮治總督漕運提督軍務巡撫鳳陽楊一鵬巡按御史吳振纓守陵太監楊澤其總漕事劉榮嗣暫攝剿寇事朱大

典代之

巡撫四川劉漢儒奏川貴爭安氏功遵旨回奏當桃紅堪之捷川人乘賊醉飽而殲之曰初九日申刻安邦彥陣斬貴人曰初十日巳刻斬于紅土川及按紅土川去紅桃堪峻嶺荒岍非半日可到塘報何緩之十數日也按臣劉宗祥直斷之曰此千古不易之安案詳哉言之矣

京察拾遺工部主事譚自然李日滋削籍侍郎李明睿莊應會等免

乙未朱大典改戶部右侍郎總督漕運巡撫鳳陽兼理海防



同洪承疇協剿


賊犯德安

予故南工部右侍郎祝以函祭塋

岷王企鰲祁陽王禋汙交惡互訐奏巡撫湖廣唐暉以聞蓋
岷王未龍之先祁陽王獨違衆議不保及位定岷王不能忘
情竇應知府李吳滋力為講釋因選妾楊氏岷王根究祁陽
王疑有深求之意于元夜微服出城潛入武昌堅不欲歸引
刀以誓


丙申倪元璐上言盜賊之禍至如今日震及 祖陵國家大

辱可謂極矣 陛下卧薪嘗胆之時諸臣啣齒透拳之日也
但臣區區之見尚有深憂今日人心所在思亂賊踞南北之
衝江湖積盜響應必多又疑有逋蕩魁黠之徒竄為謀主翼
虎教猱黨類日多智計日益我兵將主既惟辱客多驕暴在
道則虞騷掠同舟又慮參商誠恐本患未除他故或起而在
廷之議率循膚影又非有握本居要灼然制勝之謀一戰大
定臣是未見其端也若 陛下求其本謀提其勝氣願首發
罪已之詔頃旨云皇陵罹變朕竇不德所致臣恭誦之餘應
聲泪目以 陛下聖仁中懷至痛不難自誣為諸臣引愆即



此一言盈朝動色猶恐窮谷遐陬未承斯義請立降明詔痛切撝謙布告天下傳曰禹湯罪己其興也勃焉唐德宗中主興元一詔雖狂將悍徒無不感泣坐平大難何況今時故有空言而勝十萬師者此義是也然固非空言也因是以廣宣德意除名疾苦令民最苦無若催科顧亦未敢容易興言冀停加派惟請自崇禎七年以前一應逋負悉予蠲除斷自八年督徵有司考成亦務少寬繁瘠之鄉量以九分為率又東南本色雜解擾累無紀今際上供軍需萬難更議姑仍舊貫其諸一切苟非至急如絹布絲棉顏料漆油之類悉可改從

折色官代輸將此二者于下誠益于上則亦未之損也何者凡民財力止供此數此贏因而彼縮舍舊則必謀新計在公家現歲所征仍無缺欠而百姓則由此魂夢稍帖頭緒稍清且吏無甚畏即不廢追呼亦豈必無孔邇相親之意折色之入于官甚便京師百貨所萃有需何難購求計在內庫陳之積可無朽棄而閭閻則由此解納無煩駁換無累且法非甚害即少加餘費亦非必有多取為虐之嫌民脫此二者猶脫湯火也其又二議者今發弊而遠追數十年之事糾章一上如行大疫藤纏蔓引延結不休板贓而旁及數千里之人



部文一下如捕及。鼎沸波翻。寃號四徹。所以海內安分。守
株之輩。衣食粗給之家。苟一聞族屬親知。呈于文網。雖無寇
至。亦每一夕數驚。嗟乎。誰有以民間此苦告之。陛下者乎。
今請發弊止推現前。勿窮久遠。追贓但嚴本犯。勿聽扳牽。滌
往惡采。垂為厲禁。庶几逸檻之猿。不貽殃于林木。在山之鹿。
不興懼于庖厨。苟是教者。悉行臣言。天下必大悅感奮。賊氣
自奪。賊黨必攜。及今不圖。日蔓一日。必至無地。非兵無民。非
賊農桑解業。商旅絕行。刀劍牛多于牛犢。阡陌已決為戰場。
陛下亦安得執空版而問諸隣。燹之區。三尺雖峻。亦安得保


家畏死之民而治之哉。故以今日之勢。為珍賊之謀。即使韓
白復生。良平復起。不能易臣此說。上是之。俱下部酌奏。

鄭府輔國將軍常潔襲東垣王。蓋鄭端清世子。載堦之嫡次
孫也。載堦子二翊。錫翊欽而常潔即翊欽子。載堦讓國。翊錫
以世孫終。仍給郡祿。薨。子于是常潔紹封。

丁酉。搃兵鄧玘追新蔡賊于羅山。斬四百二十二級。
賊犯應山。施南府官兵斬三百餘級。

命駙馬都尉王昺祭告恭慰皇陵。

工部主事鄭爾說上言。脩省之實。刑獄得毋太盛。與賦役得




毋太繁與摧折得毋太甚與鼓舞或未盡神與言路或未盡
暢與焦勞得毋過用與 上責其輕率

戊戌賊犯南召縣

已亥命百官脩省

庚子御史鄧鋤言治亂根原間不容髮試思今日之人心何
如哉夷狄虐而叛人助之寇盜虐而客兵助之水旱虐而倍
剋吏助之時而搜括時而設處更為節省更為捐助 皇上
或謂潤索脂膏之美而不知皆敲骨吸髓以盡人之財者也
九厘三厘頻加預徵帶徵并累鑄罰百營開復考選百辦催

催 皇上或謂好義急公之效而不知析骸易子以盡人之
力者也又有循名刻實矯輕簡重者如裁置郵而勞可息罷
鬻爵而收可求乎重將權而不嚴失律乎遣軍容而不防禦
肘乎告密漸開而殺不辜失不辜何居乎讞獄屢駁而辟
弗辟者弗宥 何若乎藩體宜崇而舉動可旁操威誼甚篤
而稅畝可重困乎禁旅酬庸之殊格不可懸以策勳乎冬官
舉羸之功築不以停以儲賦乎請按崇禎七年前官民贓
犯之等差一切平反之大臣持祿不諫小臣畏罪不言今昔
之通患也願詔鐸無虛懸祖禹梅州不返安世齋志以沒今



昔所同痛也願謫籍無永錮。上是之。
辛丑命殉節士民婦女分建兩坊各列名旌表貢舉量贈一
銜以示風勵初禮部右侍郎陳子壯請旌遼難士民婦女內
云如舉貢死難按會典並無卹例然名旣登于天府卹獨後
于流官赫、九原未免抱恨伏接近例武舉李調禦賊捐軀
已蒙聖恩贈都司僉書文武一體武舉旣贈文舉及貢生死
難亦同似難獨遺咨吏部擬贈一銜以慰幽魂。上從之時
浙江新城貢士王與夔張儼然俱順天府宛平知縣山東貢
生張煦台蔣時行俱順天府教授

左良玉敗賊于南陽城下賊走東南山中丁未追及于鎮平
斬三十七級

壬寅張時傑為提兵官鎮守山海關

刑部主事胡江論溫體仁誤國鑄一級

賊攻廬州初廬人金國光等六人論死或導賊自固始霍邱
六安寓國光家至是知府吳大樸斬國光等擲首城下副提
兵馬壙守脩駱舉兵至賊遁

癸卯諭祭故

黎國炳


乙巳

上親祭告祧廟寢廟以仁宗昭皇帝在祧廟也禮

國權

崇禎八年

大



部右侍郎陳子壯言太廟行禮始有陪禮祀若祧寢二廟向無陪祀之例今脩省祭告奉旨陪明祀官通行悉飭或遵舊例衆官不與陪祀即行欽遣各官并各執事官俱易素服恪遵慈飭有旨祭告不必陪祀其欽遣及各執事官素服丙午陳子壯等議寬郵賈政曰蠲租曰清獄曰東兵曰恤宗曰宥罪曰豁贖曰使過曰改折曰寬駟曰省工曰旌叙曰事例上從之惟事例不開丁未吏科左給事中阮震亨言宗藩事務祈一體申飭倣我太祖重定祖訓錄行之其說有三或畫一以永其守或參酌

以明其志辨或慈飭以着其防

己酉御史王肇坤言脩省實着宗政體宥註誤廣薦舉恤民命寬物力報可

建四萬號十萬自瀋陽西趨河套收插漢餘部


庚戌懿妃傅氏之弟國柱加署都指揮使

予故陝西固原道叅政陸夢龍祭墓並祭石崇德賀奇勳

四川威縣怪風晝晦

洪承疇請四川撫鎮俱移夔門達州與鄧襄漢中興平援進

湖廣撫鎮分駐承天襄陽與河南陽援進鄧撫移駐鄧襄



間總漕督臣移駐穎毫與汝寧歸德近山東撫臣移曹濮沂
州間與江北河南接近山西撫臣移平陽蒲州間與靈寶陝
州接近陝西撫臣移商州併調度興安漢中河南撫臣移汝
陽南陽河南間保定撫臣移
總兵移駐邯鄲磁州可南
北策應從之


唐王聿鍵言護衛一千二百人正統末奉詔勤王事平後改
為省班之役今地當盜衝乞還班軍六百人回府 上謂先
朝必有故下部覈之

三月辛亥朔大霧晦

壬子贈王雅量戶部左侍郎 十里 賊類 賊類 二百四十八
癸丑援剿總兵官左良玉戰于鎮平斬賊二百二十五級俘
二十四人

雲南游擊狄蔡明以赴援十八寨遷延失陷戍于邊
賊陷湖北麻城縣
甲寅以天變諭脩省

總督宣大楊嗣昌報吟部市馬一千五百三十三匹
安徽桐城縣圍解賊衆數萬走潛山太湖等縣潛山知縣趙
士彥拒之傷焉



乙卯山西靈邱王府廷周廷埈廷納廷廷充煖等有罪廢為

庶人

吏部尚書謝陞考滿進太子少保

丙辰故摠兵楊正芳加太子少傅世襲本衛指揮同知

候補給事中劉含輝奏乞蠲陝西八年以上逋租不許

戊午賊掠團風鎮圍岐亭

已未予故太子少保右都督寧夏摠兵官馬世龍祭葬贈太

子太保

左良玉于直隸唐縣城東四十里遇流賊擊斬二百四十八

級俘二十五人

庚申摠兵許成名夜攻賊營斬四十六級

湖廣蕪黃間大盜爬天王擁眾千八百餘人被村民擒之身

修八尺黃袍圍玉帶自言天亡我非我罪也倡亂十二年陷

十州縣新婚九十有七其子日啖人心數枚身目髮皆紅

先是江北安慶賊奔湖廣蕪黃間洪承疇次汝寧慮其再入


江北也因令摠兵鄧玘副摠兵尤罹文扼之令摠兵曹文詔

邀于光山應隨間又副摠兵賀人龍劉成功移鳳陽之戍分

駐信陽泌陽恐其入豫也是日賊入襄陽之雙溝鎮欲寇樊

國權 崇禎八年

二十一



城會雨唐白二河溢阻渡從松林寺窺郢中搃兵許成名避
之不前

諭禮部以唐王聿鍵申飭各官炤會典行事開載甚明近來
通不遵依甚至郡王具呈親王投揭撫按司道各官公然收
受悖制藐法莫此為甚爾部既詳查典制併議中尉儀賓與
文武品官相見禮節為成書頒示導官

壬戌賊犯陽暹峽

搃督宣大楊嗣昌請改立四協分莞八路有警應援從之
賊陷寧羗縣

甲子安縣知縣鍾士章以貪虐遣戍

雲南游擊楊忠前守彌勒州陷賊戍邊

丙寅建二千餘騎犯宣府水泉口


丁卯大同新平堡地震

庚午搃兵官張全昌擊魯山等賊斬四百三級

壬申賊掠乾州醴泉官兵擊斬一百二十七級

甲戌夜直隸昌平地震

故左都御史曹于汴加太子太保
工科給事中傅朝祐上言十二事




乙亥報虎墩兔憨妻囊、台戶部夷三千餘人通建下謀犯
張家口時虎墩兔憨死先部諸皆在遼西領賞丁卯戊辰西
徙部衆散子幼
樂平知縣失事成邊
丙子唐王聿鍵奏論右長史賀懋昭長揖一疏沈應化直入
中門南陽知府陳振豪推官吳甲銓並南陽典史陳應魁擅
責職官命各奪職逮右長史賀懋昭及南陽知府陳振豪下
刑部
免王官考察

薊鎮屬夷明暗等台吉駐牧近塞乞賞

禮部奏朝鮮使回市貨共一百六十四畧前議每人不踰四
畧今彼來參寶多而六年代買又有故事許之

賊犯應山隨州是日總兵鄧玘為叛卒殺于樊城玘素無紀
律所領四川兵好淫掠俄騎營叛玘避樓墜火死舉營北走
惟步卒未動仍副總兵賈一選周繼元領之初吏科給事中
周純修嘗糾玘巡按山西御史余璫奉命按其命云副總兵
湯九川入河南攜婦女六百餘人車百餘輛駟騷已甚下九
川臺訊



戊寅曹文詔擊隨州賊斬二百八十四級俘十九人賊自應
隨出沁陽劉成功擊斬一百四十七人守備周爾敬擊賊伊
陽再捷共斬四百五十二級
陝西官兵擊乾州賊斬一百二十二級擒渠帥新來虎
兵科給事中常自裕言 皇上赫然震怒調兵七萬二千發
餉九十三萬然七萬二千之名實不過五萬且分之各處鳳
陽焚劫四日而馬壙至歸德圍解三日而鄧朶來潁毫安廬
之賊返旆而北尤世威等信尚有然曹文詔至豫無日惟賀
人龍過尉氏以縣令閉門攻城焚其閭廡縣令餽數百金而

去各處淫掠所謂賊梳軍櫛也

總兵尤弘勳擊賊靜樂斬三百十二級


四月庚辰朔安慶賊西走英山六安蕪黃

直隸豐潤諸生董世昌捐助加本府教授銜

辛巳戶部言崇禎八年新餉除蠲荒外約解部六百八十餘
萬歲出反七百八十六萬額少七十餘萬

甲申陝西總兵官孫顯祖擊賊于秦安之王陽川斬一百六
十五級

乙酉援剿總兵官曹文詔追賊于商州初洪承疇囑文詔寇




必走商州宜自新安宜陽澠池扼之也果屯商州城外二十
里文詔逐之金嶺川賊據山以千騎逆我戰酣泰將曹變蛟
力鬥各營夾擊卻之斬九十九級俘十九人時洪承疇次汝
州以各寇之入秦也令張應昌尤翟文自鄆陽循路征鳳縣
兩當徽州略陽之賊轉赴興安漢中以會總兵左光先游擊
趙光遠等承疇自率賀人龍劉成功自汝州入秦檄曹文詔
以師會

丙戌詔大赦
予故 宋裕祭墓

丁亥總督兩廣熊文燦奏福建游擊鄭芝龍合我兵剿劉香
于田尾遠洋香脅兵備道洪雲蒸出舡止兵雲蒸大呼曰我
矢死報國並擊毋失遂遇害香勢急自焚溺巡道康承祖奏
將夏之禾張一傑得脫

戊子諭吏部進士須明習政務講究律例不許曠玩堂上官
仍嚴考其二三甲既有資格當作何選校查奏

趙世臣下獄以前援鳳陽不即進
承運庫太監周禮言崇禎六年七年省直金花銀共負八十
九萬六千六百餘金命趣之



烏撒鎮雄土官爭襲

賊掠平涼慶陽

辛卯進士朱寶符賜名

蜀府宗貢生并朱誌

壬辰寧夏提兵官祖大弼赴鎮經高陵巡按御史傅永淳請

留之全張全昌剿賊于涇陽

癸巳申南京各衙門濫訟私罰之禁

丙申寇萬餘自肅州金里池溝距蘭州四十里焚先肅王墓

殿會雨僅存其廡明日掠東岡鎮距城二十里過皋蘭山至

河干鎮水磨溝

丁酉官兵自興平抵乾州之揚河鎮擊賊敗之斬一蟒甲者

云李自成之弟過天星也

予故禮部尚書薛三省予祭墓謚

保安殉難

閻生斗贈太僕少卿廕監

復李師聖張文魁原官仍贈光祿寺署正國子學錄王本立

贈大興縣主簿

壬寅免山東掖縣平度州田租


乙巳忠州知州馬易從會涇成邊

右春坊右庶子蔣德璟錫三級

國權

崇禎八年

二十六



丙午盧氏巡檢姜地從龍贈大興主簿

洪承疇次靈寶曹文詔自南陽至報商雒為賊穴漢中興平其寄徑也入潼關恐後于是以文詔兵出關鄉直搗商雒仍

自山陽鎮安洵陽馳興安漢中過其奔軼

丁未建下犯馬營堡猫兒峪雲州舊站青泉堡

設延慶州守備增戍三日

議水西疆界

戊申前總兵許世臣上車戰圖

巡撫湖廣唐暉免

己酉洪承疇至潼關賊方掠涇陽

故太監劉若愚論辟

署禮部右侍郎陳子壯議拔貢如鄉試須實廩生取甲科推

官知縣同考送學臣總裁從之


故總督陳奇瑜至獄前寶雞知縣李嘉彥鳳翔鄉官孫鵬等

俱除名同奇瑜遣戍

五月庚戌朔辛亥諭戶部條議援納有旨停止原為吏途紛雜

名器混淆今所議殊悉且于銓法無礙姑暫開以應急需

癸丑洪承疇次高陵縣之南二十里寇走醴泉興平承疇夜




渡河

四川巴州知州楊文明同知鄺毓秀俱焚掠成邊
甲寅曹文詔夜至五峪寇伏險誘我文詔擊敗之張全昌自
咸陽出興平之東明日南山老狗、等距我營五十里我次
夏杏村賀人龍南入子午谷奪其南徑劉成功及游擊王永
輝往東南道過其北走張全昌至涇陽解醴泉之圍計斬三
百六十四級夕聞死賊連夜渡渭河走郿縣洪承疇恐其東
奔即舉兵渡河
丙辰洪承疇至王渠鎮寇方下南山恣掠賀人龍率兵擊走

之追至大泥峪寇舍騎登山是日承疇至塾屋聞寇在扶風
縣之新集鎮尋走教坊塘河

丁巳官兵至郿縣之秦王嶺值寇張全昌等剽斬一百九十
三級自是南維商州之寇迹終南山中餘寇西奔興平

搃兵秦翼明自鳳翔至襄陽又毛兵新兵各五百人石砮兵
六百人分成鄖西上津蓋冬春之間寇奔豫奔楚奔江北其
勢多而且散今寇萃于秦之西安鳳翔平涼固原力易專也
然可由棧道徽階以入漢南其商維鎮山可出內鄉浙川鄖
西上津以入襄鄖



辛酉零下 三千騎入渾源州殺

梁之蓋于車廠村

武英殿中書舍人謝宸以潛回削籍

丁卯遼東總兵官祖大壽聞建 五六千騎屯于九華山即

率兵至吳錦廟迎戰却之

乙亥大學士吳宗達致仕

丁丑贈殉寇貢士李讓吳之秀賈燠張慶雲各宛平知縣

貢生張茂貞張茂恂各順天教授復范杞原官仍贈松江府

經歷尚朝舉贈高邱主簿

六月己卯朔予故守備江勝龍祭墓立祠

梁顏三衛長昂等三十六家至會州楊樹川執哨搃陳尚義

求款

流寇迫維南圍攻老營


壬子前巡撫河南玄默削籍仍下法司

兵科給事中宋學顯御史張績曾各劾大學士溫體仁貪擅

并及王應熊以先是楊一鵬議移鎮應熊擬旨不必移鎮故

學顯等劾之


先是刑科給事中何楷上言輔臣王應熊私于楊一鵬自認
比之名非比之實誤之罪非故之罪然就應熊原疏敢辭比



之實故之罪乎。首輔溫體仁疏辨，恨與吳振纓為戚，且云往時撫按逮問，必奉改票而後敢提。試思皇陵異變，體仁何以不逮治請，而徒以拘例藉口也。事屬已往，臣無煩贅。疏上者，有可異者二事。舊例既非發抄，外亦何由知之。非奉旨則邸抄不傳。臣于初十日具疏，原不送閣揭，十四日始奉旨，而體仁即于十五日疏辨，則奉旨之後也。若應熊于十三日據臣疏語先奏辨，時旨在下，應熊在外宅，亦何由而知。自非有人往來密偵，其能漏禁中語乎。此臣之未解一也。舊例奉旨下各衙門，必由六科看詳抄發。如六科官上章得旨，必傳本科

官親至會極門接奏，或密封亦必傳科官赴門恭接，填職名簿上存押。臣疏十四日奉旨，臣同官李汝燦在科不見傳，及查簿則錦衣衛旗役送到，云直日百戶趙先脩賫疏送錦衣衛堂上開訖。臣不勝駭愕。若然，則疏旨不由科抄而傳各衙門之疏，可別衙門冒接，逐日散本之制壞矣。果宥有傳奉，令其徑送，宜明說以杜矯託。此臣之未解二也。于是體仁應熊各疏辨。

丙戌禮部議王府官考察聽王自分別移諭各王知之
監視茶馬太監李奇懋奏言去年八月馬匹安定掠盡



丁亥故都指揮高明臣楊守明等各贈游擊將軍俱以隆德
敗沒

建下 屯廬閣陽驛

戊子西下 四五萬騎出套屯花馬池與武營分三千騎掠益
池韋州下馬關

六安州同知路之泰貪虐成邊


李國樑為鎮朔將軍總兵官鎮守宣府

己丑陝西官兵擊賊于亂馬川前鋒中軍劉弘烈被執參將
王登高山明日被炮攻又見執

庚寅建下 小懲收插漢虎墩鬼熬妻及陝西土霸王囊等部
約萬餘人東行其精騎仍留黃河東岸自趨朔州犯平遠路
鉄山堡


西下犯大同之迎恩鎮胡堡

錦衣衛指揮使王世盛落職以訊楊一鵬遲緩也
予故遼東總兵官太傅寧遠伯李成梁祭墓署禮部尚書右
侍郎陳子壯上言李成梁除本爵襲贈移吏部查例議覆外
竊念成梁馳驅奔走疆場効命者已四十餘年先後血戰斬
馘首功至一萬五千三百餘級拓地至七百餘里至于繫速



把亥滅阿台擒王杲皆名渠雄長一時威震烜赫聳震夷落
即古稱衛霍之功何以加焉據科臣宋一韓疏奏撫鎮割地
媚大抵謂寬奠六堡生聚開墾已十有餘年後因戎心巨
測爭擾時起撫鎮屢開邊畔銳意招撫將種地之家繫作逃
民迫還故土以致六堡甌脫科臣亦知寬奠六堡為李成梁
所開拓矣其拓其棄豈無根因臣愚為此一節不敢執一面
之詞頗備稽訪亦嘗聞遼東寬奠邊外百有餘里地名張其
哈喇海子乃華夷接壤之區一望膏腴時邊地稍寧漢人往
往出塞掘參生聚日繁因輸稅于建州而建州亦陰取其利

李成梁再鎮遼東恐奸徒勾引為山西板升之續遣叅將韓
宗功收回自是漢人皆安土重遷縱火焚其廬舍催督過峻
值春冰未判人渡冰裂溺死甚衆南人吳大受有愛婿亦溺
其中深懟宗功以及成梁乃為棄地之說徧市都下科臣風
聞入告惜哉御史熊廷弼之勘疏留中遂致案牘湮沒是非
異同無從証據然夷考萬年之歷歷之年神謨獨運而功武
迭奏惟御將之得其道也成梁年老乞骸骨始終恩待自丁
巳建州發難在科叅十餘年後盡抹殺其生平血戰拓地擒
王之功似非通論古有千金市駿骨如此勲伐其骨雖槁其



氣猶騰若出自恩命全給祭葬則所以作氣而招良者又可
勝道哉。上從之。

兵部覆洪承疇以建。突入河套另設提督料理三邊軍務。
王承恩吳三桂祖大弼三方聲擊延綏寧夏二巡撫相機設
伏。上從之。

壬辰建。趨陽和。參將丁奎光值之把總趙科敗沒趨神池。

距代州十里。踰忻州。不攻而去。

乙未直隸順義縣地震。

遼。京山知縣李春華以藝甚。

前刑科給事中李汝燦言天暑乞寬繫囚胡澥等不許奪俸


三月

丙申建。自黑河欲犯太原固關。

丁酉巡按陝西御史傅永淳劾巡撫李喬庸懦弱玩寇命免
官論罪。

叙太康各戰功進總兵祖大壽太子少師祖大樂右都督府
餘陞賞有差。

戊戌誅故提督尚書楊一鵬其巡按御史吳振纓論死初刑
部郎中紀克家引盜陵樹律論一鵬一鵬誅數日克家畫見



之于署中遂仆地不三日克家卒

己亥建_下攻山西忻州定襄官兵力拒之

先是刑科給事中何楷奏論輔臣王應熊狀罪旨尚未下應

熊奏辨_上以泄旨詰應熊家人王心良胆敢擅入閣禁併

逮值日中書舍人劉天錫沈庭松郭時奏王鍾龐郭思隆張

始音李蔚起吳彥明等七人訊之各下獄降二級直事如故

仍戒縱入私窺章奏者蓋何吾騶不滿應熊思傾之錢士升

力劾其間

庚子建_下掠山西五臺

壬寅官兵值建_下于山西定襄

甲辰閣臣奏請開通州河濟運自通州直至大通橋共四十

里歷五埧俱從舟每石費若干自大通橋入齊化門車運三

里而費與四十里等此三里河形雖具未深廣如浚之仍設

二閘移提督于大通橋主事公署于齊化門外見費萬緡而

歲省車費多矣_上從之戶部覆允已以形家言止蓋忌者

陰阻之也


乙巳副提兵官艾萬年劉成功王錫命等率兵趨救寧州戰

敗城陷

國權

崇禎八年

三十四



丙午上御奉天門召諸廷臣于階旁列几研諭曰廷臣才
品朕未徧知今特試票擬一疏閣臣尚書立階上餘分班試
階下中官奉疏各分一帙并二小東傳諭將疏票擬書于東
上一藁一謄九卿詹事翰林等官各擬進次日傳姜逢元陳
子壯文震孟張至發蔡奕琛閃仲儼馬之騏張元佐張居等
命下吏部文選司錄其年貌履歷上之并推在籍諸臣堪任
閣員者
陝西援剿總兵官曹文詔至婆羅寨值寇大至力竭自刎
安慶大水災

七月己酉朔山西臨縣大冰雹三日積二尺餘大如鷲卵傷稼
諭禮部考察貢士優劣

庚戌總督倉場戶部右侍郎程註劾罷

辛亥平谷遵化蝗


建出宣府境

南陽知縣蔣惟芬密許唐王下獄擬成不允

吏部上九臣年貌履歷又會推在籍禮部左侍郎林鈺禮部

尚書孫慎行順天府尹劉宗周

壬子宋裕德嗣清平伯



山西靜樂陽曲地震丁巳又震

癸丑琉球入貢

甲寅命召在籍三臣

乙卯叙鵬剿巴香巴香功贈故貴州總兵官王國楨太子少保餘陞賞有差

丙辰命求故都督戚繼光之後止一子無孫

故隴州知州胡爾純子宗瑗廢入監

戊午工部右侍郎李遇知為戶部尚書總督倉場

庚申陝西寇奔潰四出

辛酉工部左侍郎程紹致仕

壬戌遼東寧遠衛中左所井鳴沸三日不絕

癸亥陷寇澄城縣知縣毛昂霄他出


責山西提兵尤弘勳逗怯縱寇

甲子 上作小學新序

癸酉巡按湖廣御史余應桂上言有司私派之害 上是之

下部重處

禮部前議王考官察命仍遵祖制其屬官賢否俱聽王分別自奏文移即用欽依不許用知會等字至撫按三司亦必先



啟王

命取隆慶四年大學士高拱邊才疏
命今後鄉會科場硃墨詳列官考職名便覈

大同總兵王樸援山西

甲戌少詹事文震孟刑部右侍郎張至發為禮部右侍郎兼
東閣大學士直文淵閣時震孟引疾不預票擬蓋特簡也温
體仁揭薦陳子壯蔡奕琛

丙子召廷臣于中左門除正堂不考餘皆試時政邊才論又
出各疏命翰林官票上

甘學濶為右僉都御史巡撫陝西

諭戶部運糧既用車戶何又僉派紛擾其更議濟運安民之

策
兵部考選軍政

河南蝗

田維嘉孔貞運為吏部左右侍郎倪元璐為祭酒張四知為

南祭酒

八月戊寅朔

辛巳議城鳳陽命工科給事中林正亨同欽天監官戴圓往

國權

崇禎八年

三七

